

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 21.11.2017թ. թիվ 1707146833 որոշումը բեկանելու, իսկ Ճանապարհային ոստիկանության վարչական տույժ նշանակելու մասին թիվ 1707140783, 1707179293, 1707257242 որոշումների հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<19>> 01 2018թ. 17-4-30736-17/17-4-349

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Մնացական Կիրակոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Այնթապ գյուղի 7-րդ փողոցի 45-րդ տան բնակիչ Մնացական Լևոնի Կիրակոսյանը դիմումով հայտնել է, որ MERCEDES-BENZ մակնիշի 35GN774 հաշվառման համարանիշի տրանսպորտային միջոցը վարում է ինքը, ուստի խնդրել է անվավեր ճանաչել Ճանապարհային ոստիկանության վարչական տույժ նշանակելու մասին թիվ 1707146833, 1707140783, 1707179293, 1707257242 որոշումները՝ նշելով, որ համաձայն չէ որոշումներով արձանագրված իրավախախտումների հետ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն, Մնացական Լևոնի Կիրակոսյանը ճանաչվել է որպես իրավախախտումներ կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ 21.11.2017թ. թիվ 1707146833 որոշումը ենթակա է բեկանման՝ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 6-րդ հոդվածի 1-ին և 2-րդ մասերի համաձայն՝

իրավախախտման հատկանիշների պարզումը վարույթ իրականացնող վարչական մարմնի կողմից տեսանյութում կամ լուսանկարում ամրագրված արարքի հատկանիշների համադրումն է իրավախախտման հատկանիշների հետ: Իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է խոգուտ անձի:

Ճանապարհային ոստիկանության վարչական տույժ նշանակելու մասին 21.11.2017թ. թիվ 1707146833 որոշմամբ արձանագրված իրավախախտումն ամրագրած տեսանյութի լրացուցիչ ուսումնասիրության արդյունքում իրավախախտման փաստի առկայությունը համարվել է կասկածելի:

Ինչ վերաբերում է վարչական տույժ նշանակելու մասին 20.11.2017թ. թիվ 1707140783 որոշմանը, ապա այն վերանայելու հիմքեր չկան, քանի որ ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 78-րդ կետի համաձայն՝ տրանսպորտային միջոցների կանգառը և կայանումը թույլատրվում է ճանապարհի աջ մասում՝ մայթի մոտ կամ կողնակին, դրանց բացակայության դեպքում՝ երթևեկելի մասի եզրին:

Ճանապարհային ոստիկանության 20.11.2017թ. թիվ 1707140783 որոշման հիմքում դրված տեսանյութը փաստում է, որ դիմումատուի կողմից վարած տրանսպորտային միջոցը տեղակայված է երթևեկելի մասի եզրից հեռու:

Ինչ վերաբերում է Ճանապարհային ոստիկանության վարչական տույժ նշանակելու մասին 24.11.2017թ. թիվ 1707179293 որոշմանը, ապա այն վերանայելու հիմքեր չկան, քանի որ որոշման հիմքում դրված տեսանյութի և տեղանքի լրացուցիչ ուսումնասիրության արդյունքում պարզվել է, որ 14.11.2017թ-ին, ժամը 08:43-ին, դիմումատուին Երևան քաղաքի Քրիստափոր - Խորենացի փողոցների խաչմերուկի հատվածում 5.15.1 «Երթևեկության ուղղությունները գոտիներով» ճանապարհային նշանի երթևեկությունն ուղիորդող երթևեկության գոտուց երթևեկել է դեպի աջ, այն դեպքում, երբ տեսանյութում առկա այլ տրանսպորտային միջոցներ նույն երթևեկելի գոտիով անցնում են՝ առանց 5.15.1 «Երթևեկության ուղղությունները գոտիներով» ճանապարհային նշանի և գծանշման պահանջը խախտելու:

Ինչ վերաբերում է Ճանապարհային ոստիկանության վարչական տույժ նշանակելու մասին 07.12.2017թ. թիվ 1707257242 որոշմանը, ապա այն վերանայելու հիմքեր չկան, քանի որ ՀՀ կառավարության ՀՀ Ճանապարհային երթևեկության կանոնները և տրանսպորտային միջոցների շահագործման արգելում անսարքությունների ու պայմանների ցանկը սահմանելու մասին»» թիվ 955-Ն որոշման 84-րդ կետի 7-րդ ենթակետի, կանգառն արգելվում է 1.17 գծանշմամբ նշված ընդհանուր օգտագործման տրանսպորտային միջոցների կանգառի կետերից կամ, այդ գծանշման բացակայության դեպքում ընդհանուր օգտագործման տրանսպորտային միջոցների կանգառի կամ տաքսիների կայանման տեղերի ցուցիչներից 15 մ մոտ:

Ճանապարհային ոստիկանության վարչական տույժ նշանակելու մասին 07.12.2017թ. թիվ 170725724: որոշման հիմքում դրված տեսանյութի լրացուցիչ ուսումնասիրությամբ պարզվել է, որ դիմումատուի կողմից վարած տրանսպորտային միջոցը տեղակայված է **ընդհանուր օգտագործման տրանսպորտային միջոցների կանգառի կետի տարածքում և ցուցիչից 15 մ մոտ, և կանգառի տևողությունը գերազանցում է օրենքով թույլատրելի 60 վայրկյանը:**

Այսպիսով, ակնհայտ է դիմումատուի կողմից ճանապարհային երթևեկության կանոնների խախտումներ
թույլ տալու փաստերը, ինչի համար Վարչական իրավախախտումների վերաբերյալ ՀՀ օրենսգրքով
սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

በገበሬዎች

1. Ճանապարհային ոստիկանության վարչական տույժ նշանակելու մասին 21.11.2017թ. թիվ 170714683 որոշումը բեկանել և վարչական իրավախախտման վերաբերյալ գործը կարճել:
2. Մնացական Լևոնի Կիրակոսյանի՝ Ճանապարհային ոստիկանության վարչական տույժ նշանակելու մասին թիվ 1707140783, 1707179293, 1707257242 որոշումների հիմքում դրված փաստական հանգամանքների դեմ բերած գանգատը թողնել առանց բավարարման:
3. Հանձնարարել ՏՄՀԽԱ կենտրոնին, Մնացական Լևոնի Կիրակոսյանի անվամբ կայացնել նոր վարչական ակտեր:
4. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
5. Սույն որոշման օրինակն ուղարկել Մնացական Լևոնի Կիրակոսյանին և ՃՈՏՄՀԽԱ կենտրոն:

Ե.Կարապետյան